

RUGBYA

1 FORMULA

Getxo-Canoe, estreinarako aproposa

Ohorezko mailara igoberria den Canoeren kontra jokatu du Getxok (12.00ak)

Xerox Getxok etxekoan Xarrimoan ekingo dio 95-96ko Liga txapelketari. Iazkoa etxeko partidu bakar bat ere galdu gabe amaitu zuen, kanpoan ordea lauzpabost eta horregatik ez zuen lortu txapela. Helburu nagusia bigarren titulua irabaztea ez bada ere, Arquitectura, Santboiana, El Salvador eta Sevillako El Monteren parean aritzeko asmotan leihatuko da. Lehen jardunaldian, azken bi denboraldiak lehen mailan eman dituen Madrilgo Canoe izango du aurrean.

KOLDO ALDUNTZIN / DONOSTIA

Espainiako talde historiko bat izango da getxotarren lehen kontrarioa, Madrilgo Canoe. Iazko denboraldia lehen mailan eman ondoren, berriro onenen artean izango da. Madrilgo talde gehienek erabili ohi duten joko azkarrarekin espero dute Getxo mendean hartzea, lehen ezustea emanez. Ukrainako Andrei Kovalenco joko zabaltzaileak maila izugarria erakutsi zuen iaz eta aurrean ere madrildarrekin ariko da. Berarekin batera, Alexander Txamalo herrikidea ariko da hirugarren lerroan.

Bi ukrainar hauek espainiar nazionalitate dute eta Espainiako selekzioarekin aritu dira, abuztuaren 23tik irailaren 11 arte Hego Amerikara eginiko bisitaldian. Beste jokalarik bat kontuan edukitzekoa, Pedro Monzon 3. lerroa izango da. Bizkaitarren zat talde ezezaguna da hein handi batean, jokalarik gehienak gazteak baitira.

Getxok ez du oso denboraldi-aurre konpetitiboa egin, Euskadiko II. Kopan hartu baitu parte, eta erraz irabazi ditu partidu guztiak. Atzo jokatu zuen hain zuzen ere txapelketa horretako finala Donostian, Bera Beraren kontra. Hirugarren eta laugarren posturako, Hernanik Mungiaren aurka jokatu zuen, Landaren.

Arestian aipaturiko Espainiako selekzioarekin, Oscar Solano, Urko Manzano eta Aratz Gallastegi getxotarrek ere jokatu zuten. Tamalez, Urkok lesio txiki bat izan zuen eta ez da gaurko hamabostekoan zelairatuko. Badira beste jokalarik batzuk Canoeren kontra ariko ez direnak, Isodoro Bernardino, Juan Luque, Iñaki Laskurain, Jon Gaztelurrutia eta Gorka Urrutia besteak beste. Horrenbestez, Canoeren aurka nahiko hamabosteko berria zelairatuko du Gareth Thomas entrenatzaile galesak.



Getxok Miarrizteren aurka jokatu zuen Sanjoanetan eta geroztik kontrario ahulak izan ditu.

K.A.

	Adina	Postua	Pisua	Altura
Iñigo Zuazo	29	Harroina	95	1,84
Jonadab Diez	26	Harroina	96	1,80
Pedro Diez	29	Harroina	92	1,82
Ignacio De Lazaro	24	Harroina	120	1,92
Isodoro Bernardino	28	Orpokatzailea	108	1,60
Iñigo Castro	27	Orpokatzailea	103	1,73
Jon Biana	24	Orpokatzailea	78	1,76
Oscar Solano	26	2. lerroa	110	1,90
Juan Luque	23	2. lerroa	100	1,92
Urko Manzano	24	3. lerroa	95	1,91
Jon Etxebarria	35	3. lerroa	90	1,90
Iñaki Laskurain	27	3. lerroa	90	1,90
Oscar Astarloa	24	3. lerroa	88	1,91
Altor Basanez	25	3. lerroa	80	1,78
Unai Villalabeitia	21	3. lerroa	84	1,79
Cesar Hernandez	28	3. lerroa	85	1,82
Javier Diaz Paternain	33	Mele erdia	67	1,67
Aratz Gallastegi	19	Mele erdia	73	1,74
Jon Gaztelurrutia	27	Joko Zabaltz.	72	1,75
Unai Aurrekoetxea	24	Joko Zabaltz.	76	1,79
Garikoitz Gallastegi	27	Erdia	72	1,75
Joselu Jimenez	23	Erdia	75	1,77
Gorka Urrutia	27	Hegala	78	1,79
David Etxarri	24	Hegala	75	1,74
Gaizko Urbizu	23	Hegala	73	1,82
Jon Azkargorta	33	Atzelaria	72	1,76

ERRITMO ETA AGRESIBITATE HANDIAGOA

Horixe eskatu die Thomasek jokalariei eta entrenamenduetan landu. Joko hori ikustera ohituta daude, Iparraldean horrela jokatzen delako. Kontaktu fisiko gogorra eguneroko ogia da Bidasoaz bestaldean.

Getxoko jokalarik gehienek ezagutzen dute gertutik, Laskurainek, Paternainek, Azkargortak, Etxebarriak eta gainerakoek, Iparraldekoen kontra makina bat partidu jokatuak direlako.

Horrela entrenatzeak, ordea, arrisku bat du, lesionatu gehiago edukitzea eta hamabostekoak osatzeko zailtasunak izatea. Horretarako jokalarik kopuru sendoa behar da, edo bestela, lesio gutxi. Galestarrak, erritmoa eta kontaktuen aldeko apustua egin du, eta seguru gaude, bidea okertzen ez bazaio behinik behin, talde indartsua ikusiko dugula. Atzo, lehen jardunaldiko Cisneros-Santboiana eta El Monte Ciencias-El Salvador jokatu ziren.

Lamaisonek Nizaren aurka jokatu du

K.A. / DONOSTIA

Baionak Niza hartuko du Saint Leonen (15.00etan), 2. garaipena lortzeko asmoz. Laugarren jardunaldi honetan, Christophe Lamaison joko zabaltzailea izango da berrikuntzarik aipagarriena. Akizekoak belauneko lesioa izan zuen Du Manoir Kopako lehen jardunaldian. Asteazkeneko entrenamendua, taldekideekin egin zuen normaltasunez. Zoriturrez ordea, Olazabal kolpaturik suertatu zen eta ezin izango du Nizakoena kontra jokatu.

Perrier entrenatzaileak, taldeak Nimesen aurka jokaturiko lehen 30 minutuak partidu osoan errepikatzea nahi luke. Horretarako, aurrelarien eta atzelarien arteko oreka aurkitzea ezinbestekoa dela adierazi du.

Miarrizter lehen postua du jokoan Istresen. Talde honek, hiru partiduak irabazi ditu. Huarte entrenatzaileak argi adierazi du: «irabaztea da buruan daukagun helburu bakarra, Chateaurnaud-en kontra jokatu genuen bezala jokatu». Hontas eta Charpentie ez dira zelairatuko.

Donibane-Lohizuneko Sous-tens-en jokatu du B multzoko 4. poule-ko lidergoa eskuratzeko asmoarekin eta Cognac-i irabaziz hamabosteko berbera zelairatuko du. Garazik eta Oloronek norgehiagoka bizia eskainiko dute Adolphe Jauregi zelaian (15.00etan). Biak zazpina puntuz dira 4. eta 5. postuetan. Baigorrik irteera zaila izango du, Cognac-en jokatu baitu titular asko gabe. Miarriztereko Aguilera, bestalde, Hegoaldeko emakumezkoen selekzioak Cote Basqueren aurka jokatu du 15.00etan

Coulthard berriro ere azkarrena

L.GARMENDIA / DONOSTIA

Alemaniko Nürburgring zirkuituan korrituko den Europako Sari Nagusi honetarako bidean fitxaketa garrantzitsu bat gauzatu da. Eddie Irvine-k Jordan-Peugeot taldea utziko du datorren urtean. Ferrariaren auto gorri bat gidatzeko, Michael Schumacherren alboan.

Fitxaketa hau sorpresa handia izan da Jordan eskuderiaren jabe den Eddie Jordanentzat, datorren urtean Irvinek beretzako korritzen jarraituko zuela aditzera eman baitzuen duela astebate. Gauzak horrela, ia ziurra dirudi Coulthard McLarenen joango dela, baina hori egun hauetako batean jakingo da. Oraindik talderik aurkitu ez duen puntako gidaria Johnny Herbert da, nahiz eta Sauber-tik nahiko gertu dagoela dirudien.

Baina fitxaketak alde batera utziz, karrerari buruz bada zeresanik. Zirkuitu honetan duela 10 urte korritu zen 1 Formulako azken karrera, eta aurtengo gidarietatik Berger eta Brundlek bakarrik korritu zuten orduan. Hala ere, Schumacher eta Frentzenek ere ezagutzen dute zirkuitua, 3 Formulako korritu baitzuten. Baina bada hori baino faktore garrantzitsuagorik: eguraldia. Argibide gisa, duela astebate Portugalgo Sari Nagusia jokatzen ari zela, Nürburgring-en elurra ari zuen. Gainera, entrenamendu saioetan euria izan dute gidariak, 7 graduko tenperaturaz gain.

Atzoko entrenamendu saioaren ostean, denborarik onena Coulthardentzat izan zen berriro ere. Bere atzetik, hauek ere Portugalen bezala, Damon Hill eta Schumacher sailkatu ziren bigarren eta hirugarren postuetan hurrenez hurren. Hauen artean Schumacherrek bakarrik lortu zuen herenegungo denbora hobetzea, Coulthardengandik 4 hamarrenera geratu zelarik. Ostiralean bezala, atzo ere gidariak zirkuitu bustia aurkitu zuten, eta ezin izan zuten nahi adina itzuli eman. Eddie Irvinek bosgarren postua lortu zuen, Berger eta Alesiren Ferrariaren artean hain zuzen.

Nürburgring oso zirkuitu atsegina da, eta teknikoak gainera.